

**ՇԱՀԵ ՔԱՀԱՆԱ ՀԱՅՐԱԳԵՏՅԱՆ**  
**Մատենադարանի գիտաշխատող**

**ՄԱՅՐ ԱԹՈՌԻ ՄԵԾ ԵՐԱԽՏԱՎՈՐ ԵՎ**  
**ԳՐԻՉ ԿԱԹՈՂԻԿՈՍԸ. ԳՐԻԳՈՐ Ժ ՋԱԼԱԼԲԵԿՅԱՆՑ**

Գրիգոր Կաթողիկոս Ջալալբեկյանցի կենսագրականից հայտնի է, որ պարոն Ջալալ բեկի որդին էր, «ազնուատոհմիկ մեկ մը և պատմութեան տոջն դիրք ունեցող մեկուն մը գաւակ»<sup>1</sup>: Գրիգորի ծննդավայրի մասին Օրմանյան սրբազանը գրում է. «Սովորաբար Մակունցի կամ Արտազեցի կամ Սուրբ Թադէոսցի ալ կը կոչուի, որովհետև եպիսկոպոս էր Արտազի, որ է Մակուն քաղաքը, ուր է Սուրբ Թադէոսի մայրավանքը, բայց անհաւանական չէ, որ ծննդեամբ ալ նոյն քաղաքէն եղած ըլլայ»<sup>2</sup>:

Սրբոց Հակոբյանց ձեռագրատան մի ձեռագրի տվյալներով, որի գրիչն է Գրիգոր վարդապետը, որը նույն Գրիգոր Ջալալբեկյանցն է, նշվում է. «Զգիրքս ի Թաւրէզ սկսաւ և յԱռաքելոց Վանքս եկեալ աւարտեցի»<sup>3</sup>: Նույն ձեռագրի մեկ այլ էջում դարձյալ նշում է. «Արդ, եղև գրութիւն սորա ի թվականութեանս Հայոց մեծաց ի Պէ՛ (1428), ի մայրաքաղաքի, որ այժմ Գավրէժ կոչի, ընդ հովանեաւ Սուրբ Աստուծածնի տանարին, զի անդ սկսայ և փոքր ինչ գրեցի, և եկեալ առ ոտս Սուրբ Առաքելոյս Թադէոսի աւարտեցի...»<sup>4</sup>:

Այստեղից պետք է, հավանաբար, եզրակացնել, որ Գրիգոր Ջալալբեկյանցի ծննդավայրը ոչ թե Մակուն է, այլ Թավրիզը (Դավրէժ): Այս ձեռագիրը Ն. Պողարյանը բնութագրել է. «Ժողովածոյ անկարգ»<sup>5</sup>, սակայն Գրիգոր Ջալալբեկյանցը գլխավոր հիշատակարանում խորագրում է. «Վասն դաւանութեան Ուղղափառ հաւատոյ»<sup>6</sup>, այն իր կառուցվածքով նման է «Կնիք հաւատոյ» և Վարդան Այգեկցու «Արմատ հաւատոյ» դավանաբանական երկերին: Տարբեր տեղերից հավաքված նյութերը. «գոր ժողովեալ է ուղղափառ վարդապետաց սրբոց», ըստ Գրիգոր վարդապետի պետք է «նեցուկ և օժանդակ» - լինի. - «տկար մտաց մերոց, զի մի պարտիցիմք ի հակառակաց մերոց, այլ իւրաքանչիւր բանի պատասխանիս յարմարեցում ըստ տեղւոյն որպէս և պատշանի»<sup>7</sup>: Ձեռագրի գրիչն ու ստացողը նույն Գրիգոր վարդապետն է: Նա իր կազմած դավանաբանական ժողովածուն ավարտելոց հետո տալիս է «Կազմել սրբասէր և աստուծահամոյ կրօնաւորացս Թովմայի և Ներսիսի»<sup>8</sup>: Հիշատակարանում նա հավելում է պատմական կարևոր

<sup>1</sup> Մ. Օրմանյան, Ազգապատում, էջ 2128: Այս մասին տե՛ս նաև «Զամբու», էջ 101:

<sup>2</sup> Նույն տեղում:

<sup>3</sup> Մայր Թուգակ ձեռագրաց Սրբոց Յակոբեանց, հ. Ե, կազմեց Նորայր Խայս. Պողարեան, Երուսաղէմ, 1971, էջ 368:

<sup>4</sup> Նույն տեղում:

<sup>5</sup> Նույն տեղում, էջ 365:

<sup>6</sup> Նույն տեղում, էջ 368:

<sup>7</sup> Նույն տեղում:

<sup>8</sup> Նույն տեղում:

մի դեպք, որը գրի է առել 1426 թվին. «Սմանդար անուն յազգե թուրքի. էառ գողեսկն վանայ, նաև զՄակուայ, և զՆվանայ»<sup>9</sup>: Պատմական այս դիպվածը ստիպում է, որ Մակուից հեռանալն դավանափոխված «երկաթնակները», «Եւ գերկարնակ ուրացող ազգն խթարմայից տարագիր և տարաշխարհիկ արարի վերա երկրի, և կատարեցաւ քանն Տեառն, զի զչարքն չարեաւ կորոյս, և զայգիքն ետ այլոց մշակաց»<sup>10</sup>: Հավանական է, որ այս իսկ ժողովածուն Գրիգոր Ջալալբեկյանցը պիտի օգտագործեր որպես զեմք՝ Մակուում մնացած այլախոհների դեմ: Ձեռագիրը գրվել է 3 տարվա ընթացքում՝ 1425-1428 թթ.:

Էջմիածնի արխիվում պահպանվել ու մեզ է հասել Կաթողիկոս Գրիգոր Մակվեցու կողմից հիշրայի 835-ին (1431) էմիր Ռուստամից գնված յոթ գյուղերի կալվածագրի պատճենը<sup>11</sup>:

Էջմիածնի վանքը տնտեսապես ամրապնդելու և Կաթողիկոսական Աթոռ-նիստ դարձնելու նպատակով կատարվում են նախնական ֆայլեր: Նախ ժողովուրդն ինքն է նվիրատվություն տալիս Մայր Աթոռ Սուրբ Էջմիածնին. «որպես ցուցանեն պատմիչ և կոնդակ կաթողիկոսաց»<sup>12</sup>: Այս մասին գրում է Հովհաննես Եպիսկոպոս Շահխաթունյանցը և ավելացնում. «ի վերայ այսր արդեանց ժողովրդեանն յաւելին կաթողիկոսութիւն և զարդինս անշարժ կալուածոց գնելով զգեօղս, տնկելով զայգիս, ստանալով զբրաղացս, զբրնճահանս և զայլս այսպիսիս՝ որովք առաւել դիւրացաւ կառավարութիւն այսր պատրիարքական մենաստանի, Տաճարին սրբոյ և ուխտի հոգևորականացն ի նմին»<sup>13</sup>:

Շահխաթունյանցի մոտ շփոթված են երկու տարրեր անձինք, այն է՝ հիշրայի 832-ին (1428) Սեյիդ բեկից գնված և Էջմիածնին կցված գյուղերը, որը տեղի ունեցավ Էջմիածնի վանահայր Գրիգոր Եպիսկոպոսի օրոք, իսկ մյուսը՝ հիշրայի 835-ին (1431) Ռուստամ Բեշքեհի կողմից Գրիգոր Ջալալբեկյանցին նվիրված գյուղերը, որոնք նույնպես պիտի կցվեին Էջմիածնին: Ինչպես լրավացիորեն նկատում է Հ. Փափազյանը, Գրիգոր վանաւայրը որդին է Սմբատի, իսկ Գրիգոր Մակվեցին որդին է Ջալալ բեկի<sup>14</sup>:

Ինչպես տեսնում ենք, նշված երկու կալվածագրերում հիշատակված Գրիգոր Եպիսկոպոսները միանգամայն տարբեր մարդիկ են, և սխալվում է Սիմեոն Կաթողիկոս Իրևանցին, երբ «Ջամբու»-ի մեջ, խոսելով առաջին կալվածագրում հանդես եկող Գրիգոր Եպիսկոպոսի մասին, գրում է, թե. «Այս այն Գրիգոր Կաթողիկոսն է, որ է որդի Մակուեցի պարոն Ջալալ բեկի»<sup>15</sup>: Փաստորեն նույն սխալը մեխանիկորեն կրկնել է Շահխաթունյանցը: Կալվածագիրը, որն ամենայն

<sup>9</sup> Նույն տեղում:

<sup>10</sup> Նույն տեղում:

<sup>11</sup> Հ. Փափազյան, Մի էջ Արևելյան Հայաստանի ֆաղափական կյանքի պատմությունից, ՀԱՍՏ ԳԱ «Տեղեկագիր», 1955, թիվ 8, էջ 85: Մ. Մ. պարսկերեն վավերագրեր, Թղթապանակ 1գ, վավերագիր 934:

<sup>12</sup> Ստորագրութիւն Կաթողիկէ Էջմիածնի և հինգ գաւառացն Արարատայ, աշխատասիրութեամբ Յովհաննէս Եպիսկոպոսի Շահխաթունեանց Շահրիարցույ միաբանի Սրբոյ Էջմիածնի, Կ. Ա. 1842, էջ 123:

<sup>13</sup> Նույն տեղում:

<sup>14</sup> Մատենադարանի պարսկերեն վավերագրերը, հտ. 2-րդ, Կալվածագրեր, պրակ Ա, կազմեց Հ. Փափազյան, Իրևան, 1988, էջ 12:

<sup>15</sup> «Ջամբու», էջ 101:

հավանականությամբ գրված պիտի լինի էջմիածնում, սկսվում է հետևյալ տողերով. «Փառք սրտագիտին և ծածկագիտին Աստուծոյ...»<sup>16</sup>, որից հետո բացատրվում է, թե ինչ նպատակով է գրվել այն: Այդ նվիրաբերված յոթ խոշոր գլուղներն են՝ Վաղարշապատ, Օշական, Բաթռինջ, Նորագավոր, Աղավնատուն, Թեղեհիս և Մուղնի:

Այս փաստաթուղթը հետագա դարերում ևս ունեցել է մեծ նշանակություն, երբ պետք է եղել ճշտելու Մայր Աթոռ Սուրբ Էջմիածնի հողաբաժինները<sup>17</sup>:

Սույն կալվածագրի հրատարակողը մի քանի քնուրպագրող խոսքերով գնահատում է Գրիգոր Ժ Կաթողիկոսի գործունեությունը. «Արդ, ըստ նկատմանիս բազմադարյան և շինարար եղած է վերոյիշեալ Գրիգոր Ժ Հայրապետ՝ Սուրբ Էջմիածնի Հայրապետական Արողոյ առ ազգն և Եկեղեցին ունեցած պարտաւորութեանց ի լրումն ձեռնեաս լինելոյ՝ ևս և վաճական միաբանութեան պիտոյից և կեցութեան կարևոր ելևմուտքը ապահովելոյ համար կալվածներ գնել ջանալով և յաջողելով՝ ըստ ժամանակին բաւական մեծ գումար հայթաթելով և հատուցանելով՝ մինչդեռ վանուց ներքին շինութեանց մէջ ևս մեծ կարոտութիւնք կային և կշիռուէին:

Ինչպէս կալուածագրէն կերևի, Գրիգոր Ժ Կաթողիկոս՝ ի ժամանակին տիրող իշխանութեան՝ ինչպէս նաև նորա «մեծ վեզիր» կոչուած Նպարհոսին ևս սիրելի եղած է, որ նոյն մեծ վեզիրէն դիրութեամբ կգնէ յիշեալ կալուածները»<sup>18</sup>:

«Ճաշոց» ձխական ժողովածուի հետագայի մի հիշատակարանից տեղեկանում ենք, որ Գրիգոր վարդապետը ոչ միայն կալվածների առևտրով էր զբաղվում, այլև ձեռագիր մատյանների: Այս մասին է վկայում սույն Ճաշոցի նվիրատու Հովհաննես Սալմաստեցին, հիշելով գրչին՝ Նզեկիի Որոտեցցի վարդապետին, որ Այունիքում էր ավարտել ձեռագրի ընդօրինակությունը, որից հետո. «քերաւ ի Սուրբ Առաքեալն Թադէոսի»<sup>19</sup>: Այսինքն՝ Սյունիքում գրված ձեռագիրը նվիրաբերվում է Թադեի վանքի ձեռագրատանը, սակայն Գրիգոր վարդապետ Ջալալբեկյանը, որը աթոռակալն էր «Արքայն Թադէոսի առաքելոյն», քերում է ձեռագիրը «ի Ձորս Շամբի, ի գեղս Ջաղացտեղ, և ծախեաց»<sup>20</sup>: Ճաշոցն այս գնում է «Ջուրք և քաջահաւատ քրիստոնեայս Յովհաննէս, զիւր հոգոյ բաժինն էրես և էառ գաս յիշատակ հոգոյ իւրոյ, և եղ առ Սուրբ Աստուածածինս... ի թվականին ՊՂ (1441)»<sup>21</sup>:

Դեռևս վարդապետական աստիճանում, լինելով խոշոր քաղաքական և մշակութային գործիչ, պետք է նկատել, որ ժամանակակիցների կողմից, արդեն, նույն 1441-ին, նախքան կաթողիկոսական ընտրությունները, Գրիգոր Ջալալբեկյանը դիտվում էր Հայրապետ Սուրբ Էջմիածնի: Այս մասին է վկայում Կաթողիկոսական Աթոռի փոխադրման գործում մեծ նրախտավոր Թովմա Մեծոփեցի վարդապետը, որը Քաջքերունիքում ավարտված մի Ավետարանի

<sup>16</sup> «Արարատ», 1875, էջ 212:

<sup>17</sup> Տե՛ս 2. Շահխաթունեանց, Ստորագրութիւն Կաթողիկէ Էջմիածնի, Կ. Ա., էջմիածին, 1842, էջ 128-130:

<sup>18</sup> «Արարատ», 1875, էջ 215:

<sup>19</sup> Ժե դարի հիշատակարաններ, Կ. Ա., էջ 519:

<sup>20</sup> Նույն տեղում:

<sup>21</sup> Նույն տեղում:

հիշատակարանում նշում է. «Ի քվականիս մերոյ ՊՂ (1441), և ի հայրապետութեանն տեառն Գրիգորի Սուրբ Էջմիածնի, և ի թագաւորութեանն Ջրհանշին»<sup>22</sup>: Բանց այսպես էլ կալարտվեր, եթե չլիներ մրցակիցների առավել հզոր կողմը: Բայց մեծ անհատականություն ունեցող Գրիգոր Մակվեցին իր նպատակին կարողանում է հասնել 1443-ին, իհարկե զգտագործելով Էջմիածնին նվիրաբերված յոթ գյուղերի կալվածագիրը իր վակֆնամայով հանդերձ<sup>23</sup>:

Պարզվում է, որ Գրիգոր Մակվեցու Կաթողիկոս դառնալուն նպաստող հիմնական գործոնը եղել է վերոհիշյալ կալվածագիրը կամ «ղաթալան»<sup>24</sup>:

Թովմա Մեծոփեցու մոտ նույնպես կա աղտոտ հիշատակություն այդ մասին: Նա գրում է, որ Յաղուբ բեկի մոտ տեղի ունեցած հարցախոսության ժամանակ, որից հետո բեկը իրավունք է տալիս Կաթողիկոս ձեռնադրել Գրիգոր Մակվեցուն, վերջինիս կողմնակիցների ձեռնում եղել է ինչ-որ տարր լեզվով գրված գրություն, որը տվել են Մեծոփեցուն կարդալու և որն, ըստ երևույթի, նրա նախառկառուցների հիմնական իրավական կուլանցն է եղել: «Մին փոխգիր հտուն ինձ ընթեռնուլ տտարապէս...», գրում է Մեծոփեցին<sup>25</sup>: Հակոբ Փափազյանն առաջարկում է «փոխգիր» բառն ըմբռնել որպես սեփականատիրոջ փոփոխման գիր, «կամ ուղղակի տտարման, վաճառման փաստաթուղթ, ապա պետք է կարծել, որ խոսքը վերաբերում է նույն յոթ գյուղերի կալվածագրին, կամ ինչպես Դավրիժեցու մոտ է հիշված՝ «ղաթալային»», որի մեջ շեշտված վակֆային նախապայմանները հիմք են ծառայել Յաղուբ բեկին՝ կարգադրելու, որպեսզի հեռացնեն Կիրակոս Վիրապեցուն և Կաթողիկոս ձեռնադրեն Գրիգոր Մակվեցուն, մի անձնավորության, որն ըստ այդ շարիաթական վավերագրի, իրավունք ուներ մինչև իր մահը մնալ Էջմիածնի վանահայր (մութավալի)<sup>26</sup>: Որ Գրիգոր Մակվեցու կողմից Էջմիածնի Կաթողիկոսական Աթոռը գրավելու հիմնական իրավական հենարանը եղել է նույն յոթ գյուղերի կալվածագրի կամ վակֆնամայի վերոհիշյալ կետը, այդ պարզ երևում է նաև այն բանից, որ 1443 թվականից մինչև իր Կաթողիկոսության վերջին տարիները, երբ չորս Կաթողիկոսներ են փոխվում, սակայն Գրիգոր Մակվեցին միշտ շարունակում է մնալ աթոռակից Կաթողիկոս, և դա միայն այն պատճառով, որ ըստ վակֆնամայի նա իրավունք ուներ մինչև իր մահը մնալ որպես վանքի վանահայր: Այս առումով հետաքրքիր է 1441 թ.-ին գրված մի հիշատակարանային տեղեկություն, որտեղ խոսվում է այն մասին, թե ինչպես Գրիգոր Մակվեցին վերստին նորոգում է Էջմիածինը. «Արդ, գրեցաւ օրինակ սորին ի թուրքերութեանն հայկազեան տոմարի ՊՂԳ (1444), ի հայրապետութեանն Գրիգորի աթոռակալի Սուրբ Էջմիածնին վերստին նորոգելոյ»<sup>27</sup>: Մի հետաքրքրական փաստ, չնայած 1443-ին արդեն գանդեկեց էր արված Կիրակոս Վիրապեցի Կաթողիկոսը, սակայն 1444-ին Ավետիք գրիչը նրան հիշում է Գրիգոր Մակվեցու հետ կողբկողբի. «Եւ արդ, սկսեալ եղև սուրբ Աւետարանս յԱրդնի, ի վերադիտողութեան

22 Ժն դարի հիշատակարաններ, Խ. Ա., էջ 522:

23 Հ. Փափազյան, «Մի էջ ...», էջ 98:

24 Նույն տեղում, էջ 99:

25 Թովմա Մեծոփեցի. Յիշատակարան, էջ 80:

26 Հ. Փափազյան, «Մի էջ ...», էջ 99:

27 Ժն դարի հիշատակարաններ, Խ. Ա., էջ 560-561: Տե՛ս նաև Ղ. Ալիշան, Հայապատում, Բ., էջ 589-570:

հայկազեան սեռի երկու Կաթողիկոսաց՝ տէր Գրիգորին և տէր Կիրակոսին»<sup>28</sup>։ Իսկ Հովհաննես Մանգասարենց հայտնի և բազմաթիվ գիտնական գրիչը 1445-ին Գրիգոր Մակվեցուն դիտում է որպես Կիրակոս Վիրապեցուն աթոռակից Կաթողիկոս. «Ի հայրապետութեան տեսում Կիրակոսի Սուրբ Կաթողիկէ էջմիածնի Վաղարշապաթու Նոր փաղափս սկսեալ եղև, և հայրապետութեան տեսում Գրիգորի աթոռակցի Լուսաւորչին մերոյ օրհնեալ եղև»<sup>29</sup>։

Նույն՝ 1445-ին Գրիգոր Մակվեցին մի կոնդակ է առաքում Տարոն, որն ունեցել է երկու հրատարակություն։ Առաջինը գետնովել է Ղևոնդ Փիրղալեմյանի «Նօտարբ»-ում։ Այն Փիրղալեմյանին ծանոթ էր միջնորդավորված ընդօրինակությամբ և ունի որոշ հապավումներ<sup>30</sup>, իսկ երկրորդին, որն ամբողջական է և լույս է տեսել «Ցուցակ ձեռագրաց Մշոյ Ս. Առաքելոց-Թարգմանչաց վանքի և շրջակայից» աշխատության մեջ<sup>31</sup>։ Ցուցակի կազմողները չեն նշում ո՛չ կոնդակի հեղինակին և ո՛չ էլ գրչության վայրը։ Այսպիսին է կոնդակի արտաքին նկարագրությունը. «Մեծութիւն՝ 3,5 մեթր երկայնք և 18 սմ լայնք։ Մագաղաթեայ։ Կան սկիզբը պատկերներ. Սուրբ Ցովհաննու տաճարն իր կաթողիկէներով, որոնցմ է վար կը գտնուին Սուրբ Լուսաւորչի, Հռիփսիմէի և Գայիանէի պատկերները։ Լուսանցները՝ զարդարուած են ծաղիկներով»<sup>32</sup>։ Սակայն կոնդակի ուշադիր ընթերցումից պարզվում է, որ այն գրված է Գրիգոր Ջալալբեկյան Կաթողիկոսի ձեռով, Մայր Աթոռ Սուրբ Էջմիածնում։ Կոնդակն ունի մուտքի խոսք, որտեղ սույն թուղթը բնութագրվում է որպես «Գիր հոգևոր հրամանի»<sup>33</sup>։ Կոնդակի շարադրանքից իմանում ենք, որ Սուրբ Երրորդության շնորհներով, ողորմությամբ, կամով և ընտրությամբ է ուղղված այս «գիր հոգևոր հրամանի, արհնեալ հաստատութենէ»<sup>34</sup>։ Քիչ ներքևում կտեսնենք, որ այս «արհնեալ» հաստատությունը Սուրբ Էջմիածնին է։

Գրիգոր Մակվեցին նամակն այս բնութագրում է նաև որպես «բարձրագույն իշխանութեան նամակ և խաղաղութեան»<sup>35</sup>։ Նրա նստավայրը «արքայանիստ և բազմաւորարմակ» Վաղարշապատ փաղափն է, տեղին «մեծաց Հայոց և ամենայն

28 Ժեղարի հիշատակարաններ, հ. Ա, էջ 575։

29 Նույն տեղում, էջ 587։

30 Նօտարբ, էջ 139-145։

31 Ցուցակ ձեռագրաց Մշոյ Ս. Առաքելոց-Թարգմանչաց վանքի և շրջակայից, Սանակ Ա. Մուրատեան, Նագարեթ Գ. Մարտիրոսեան, Երուսաղէմ, 1967, էջ 199-204։ Տեղանունների նշումն առումով կոնդակին անդրադարձել է նաև Գ. Բաղդասարը («Էջմիածին», 1997, թիվ 7, Տարոնի Ս. Հովհաննեսի (Երրորդուտի) վանքի 1445 թ.-ի կոնդակը, էջ 88-109)։ Ըստ նրա, ինչպես Փիրղալեմյանի օրինակը, այնպես էլ Ա.-ն (Վիեննա, ձեռ. թիվ 784) և Բ.-ն (Մշո Առաքելոց-Թարգմանչաց վանքի ձեռագրացության գտնվող կոնդակը, թիվ 2) արտագրություններ են Թարխանյանի օրինակից (էջ 89)։ Այս շփոթը չէր լինի, եթե Մշո Առաքելոց-Թարգմանչաց վանքի օրինակը չունենար ժՁ դարի (1588 թ.) վերանորոգողի հիշատակարանը։ Կոնդակը մագաղաթյա է, ուստի եսաստարենց կարող ենք ասել, որ այն ժՁ դարի չէ, նույնիսկ կարծում ենք, որ Ջալալբեկյանցի ինքնագիր օրինակն է եղել։

32 Նույն տեղում, էջ 199։

33 Նույն տեղում։

34 Նույն տեղում։

35 Նույն տեղում։

Արեթական տեղի»<sup>36</sup>: Կաթողիկոսը տեղապահն է. հաջորդը և փոխանորդը «սրբոց առաքելոցն թաղեոսի և Բարգողովմեոսի և սրբոյն Գրիգորի Լուսաւորչին մերոյ»<sup>37</sup>: Գրիգոր Մակվեցին կրկին ու կրկին նշում է գրչության վայրը. «Ջոր և գրեալ ի դրանէ Աստուածադիր Աթոռոյ և երկնաստեղծ քաղկան Քրիստոսի հաստատեալ իմանէ Կաթողիկէ Սուրբ եկեղեցւոյս էջմիածնի և ի քաղմահաւաք սրբութեանց սորայ»<sup>38</sup>: Մայր Աթոռի գլխավոր սրբութիւններին առաջին տեղում է «աստուածամուխ»<sup>39</sup> Հիսուս Քրիստոսի արյունով ներկված Սուրբ Գեղարդը. որից հետո հիշատակվում է Փշե պսակի մասունքը. որին վեհափառ Հայրապետը կոչում է «թագն արքայական... եղեալ ի գլուխն Յիսուսի»<sup>40</sup>: Հիշվում են նաև խաչված Հիսուսի քաղուկի մեխերը, Սուրբ վարչամակը. որով ծածկել էին գերեզման դրվող Հիսուսի դեմքը: Ապա հերթը գալիս է Սուրբ նշանների թվարկմանը՝ Գեոտարգելի Սուրբ Նշանը. որ «ի ձեռն Սուրբ Լուսաւորչին և Պետրոսի պատրիարքին (Գեոտարգ)»<sup>41</sup>: Այստեղ, հավանական է, կան նաև Հիսուսի կողքից բխած արյունով և ավշով ներկված մասունքներ «սփռնչեալսքործ անձաւալած երկուց սուրբ նշարաց կարմրականէ և ի լրջակնէ»<sup>42</sup>: Մյուսը անուշաբույր Աստվածընկալ Սուրբ Նշանն է. ապա Կենսաբեր Սուրբ նշանը. որը կենդանութիւն է պարգևում մահացածին: Այստեղ է պահվում նաև Փրկչի «սկզբնական»<sup>43</sup> պատկերը: Խոսքը, հավանաբար, Մովսես Խորենացու կողմից հիշատակված «զկենդանագրութիւն փրկչական պատկերին»<sup>44</sup> է վերաբերվում: Փրկչական մասունքներին հաջորդում են «ամենայն առաքելական աշերոյս. որ աստ կան»<sup>45</sup> և ապա սրբոց դամբարաններն ու եկեղեցիները<sup>46</sup>: Կաթողիկոսական ողջույնի խոսքն ուղղված է «փառաւոր սուրբ ուխտդ ի Յովհաննու Մկրտչին և ի Սուրբ Աստուածածնի տաճարին և ի Սուրբ Ստեփաննոս Նախավկային և ի Սուրբ Գրիգորի մերոյ Լուսաւորչին»<sup>47</sup>: Թվարկելով տեղի ամբարված սրբութիւնները, նա այնուհետև թվարկում է Տարոն աշխարհի թեմերն ու վիճակները<sup>48</sup>: Այս տեղեկության հիման վրա կարելի է նշանել քաղում տեղանուններ, իսկ Փիրղալեմյանը նկարագրում է. թե որոնք են իր ապրած ժամանակաշրջանում

36 Նույն տեղում:

37 Նույն տեղում:

38 Նույն տեղում:

39 Նույն տեղում:

40 Նույն տեղում:

41 Նույն տեղում:

42 Նույն տեղում:

43 Նույն տեղում:

44 Մովսես Խորենացի, Պատմութիւն Հայոց, Բնական քննարկը և ներածութիւնը Մ. Արեղեանի և Ս. Յարութիւնեանի, Երևան, 1991, էջ 150: Տե՛ս նաև Մովսես Խորենացի, Հայոց պատմութիւն, Երևան, 1981, էջ 353, ծանոթագրութիւն թիվ 159:

45 Մշո ճեղագրացուցակ, էջ 199:

46 Նույն տեղում, էջ 199-200:

47 Նույն տեղում:

48 Նույն տեղում, էջ 200-201:

դարձել քրդարմակ<sup>49</sup>: Ըստ կոնդակի հետագա շարադրանքի, մինչդեռ Կաթողիկոսը հոգածություն էր տաժում ժողովրդի նկատմամբ, հանկարծ իր մոտ եմ գալիս «տեր Դավթ խարագնազգեստ նգնաւոր արեղայն և տեր Թաթէոս արեղայն և տեր Յովհաննէս արեղայն և տեր Կարապետ արեղայն և տեր Նիկողոս արեղայն և տեր Սարգիս երաժիշտն»<sup>50</sup>, նրանց ուղեկցում եմ քազում ուխտավորներ, ավագ երեցներ, որոնք իրեցն ենտ բերել եմ «թուղթ վկայական»<sup>51</sup>, որը հաստատված է եղել Գրիգոր Տաթևացու կողմից՝ «հաւանութեամբ ի քաջ հոռտորէն ի Գրիգոր տիեզերալոյս րաբունայետն»<sup>52</sup>, և բոլորի կողմից «յուղարկեալ էին առ մեզ զպատուելի և զիմաստուն քահանայս զԿարապետ արեղայս հաւանութեամբ ամենեցուն»<sup>53</sup>, ապա ալիւացնում է. «և ձեռագրով խնդրեալ էին», որ բնակալ առաջնորդ, նշանակվի: Դարձյալ մասնավորապես խոսվում է այն տարածքների, սահմանների և գավառների մասին, որոնք պիտի մտնեն տվյալ բնմի կազմում, որն ի սկզբանե հաստատված է եղել «ի սրբոյն Գրիգորի մերոյ Լուսաւորչէն, այլև ի մեծէն Իսահակայ Պարթևէն հաստատ գրով, և յետոյ վերստին հաստատեալ ի Յոհան Օձնեցւոյն և կրկին կնքեալ ի Գրիգորիս կաթուղիկոսէ»<sup>54</sup>:

Կաթողիկոսը մոտիկից ձանթաճալով Կարապետ արեղայի առաջինություններին և վարժին, հաստատում է. «Ընտրեցաք և կոչեցաք զդայ ի պատիւ և յաստինճան եպիսկոպոսութեան»<sup>55</sup>: Եպիսկոպոսական ձեռնադրության արարողությունը տեղի է ունենում «մեծաւ հանդիսիւ աստուածաբանակ տաճարի Սուրբ Էջմիածնի Կաթուղիկէիս Վաղարշապատոյ, և յամսեանն յունիս Ը /8/ ի մեծ թվին» ՊՂԳ 1445/<sup>56</sup>: Ձեռնադրությունից հետո «ես՝ Գրիգոր կաթուղիկոս աւրեմեցաք զԿարապետ արեղայն արքեպիսկոպոս և կրկին նորոգեցաք զկտակս մերով աւրեմութեամբ»<sup>57</sup>: Կարապետն իր հետ ուներ «առաքելական և հայրապետական քարճրագույն հրամանը, «հանդերձ սրբալոյս Սուրբ Մեծոռու»<sup>58</sup>, որպես իոգևոր հովիվ, առաջնորդ և հրամայող, «կապող և արձակող»<sup>59</sup>:

Այնուհետև վերջում Գրիգոր Մակվեցին թողնում է իր հիշատակարանը, որտեղ անչափ հետաքրքրական տվյալներ է հայտնում իր կաթողիկոսանալու թվականի վերաբերյալ. «Արդ, գրեցաւ զիր աւրեմութեանս մեր ի հրամանի և ըստ մարդեղութեան Բրիստոսի ՌՆԽԵ (1445)՝ եւ ի Սրբոյն Գրիգորի ՌՃԽԲ (1142) եւ ի

49 Նոտար, էջ 141-142:

50 Նույն տեղում:

51 Նույն տեղում:

52 Նույն տեղում:

53 Նույն տեղում:

54 Նույն տեղում:

55 Նույն տեղում:

56 Նույն տեղում: Մշո ձեռագրացուցակում «ՊՂԳ»-ն վերծանված է՝ 1444, որը, կարծում ենք, վրիպակ է և պետք է վերծանել 1445:

57 Նույն տեղում:

58 Նույն տեղում:

59 Նույն տեղում:

մեր նստելն ի Սուրբ յԱթոռս, որ է ամբ Ե (5) և ամիս Գ (3) եւ ար ԺԵ (15). եւ ըստ թվականի մեծի ՊՂԴ (1445)...»<sup>60</sup>:

Ինչպես նկատեցինք, Գրիգոր Մակվեցին իր կաթողիկոսանալը հաշվում է հինգ տարի երեք ամիս և տասնհինգ օր: Այսինքն՝ ճա Մայր Աթոռի առաջնորդ կամ Հայրապետ է նշանակվել 1440 թվականի փետրվարի 22-ին կամ 23-ին, եթե ընդունենք, որ կոնդակը գրվել է Կարապետ արքեպիսկոպոսի ձեռնադրության օրը. այսինքն՝ 1445-ի հունիսի 8-ին: Այժմ, արդեն, հասկանալի է Թովմա Մեծոփեցու 1441 թ.-ին գրած հիշատակարանը, որտեղ ճա Գրիգոր Մակվեցուն համարում է Հայրապետ Սուրբ Էջմիածնի. «ի հայրապետութեանն տեառն Գրիգորի Սուրբ Էջմիածնի»<sup>61</sup>:

1445 թ.-ին գրված կոնդակն այս իր կարևորությունը պահպանել է նաև հետագա դարերի ընթացքում: Այն առաջին հերթին եղել է առաջնորդ ուղեցույց տվյալ թեմի սահմանների նշուման համար, և դա է պատճառը, որ հաճախ օգտագործման շնորհիվ մշակվել է և ընդամենը մեկուկես դար հետո այն համարվել է «հնացեալ»<sup>62</sup>, այսինքն՝ գրեթե անընթեռնելի, որովհետև ԺՋ դարի նորոգողը նշում է, թե «Բագում ժամանակաց էր արինակս»<sup>63</sup>, և անհրաժեշտություն է եղել այն նորոգել «բագում աշխատանալ»<sup>64</sup>:

Ժամանակի ընթացքում մեծանում է Գրիգոր Մակվեցի Կաթողիկոսի հեղինակությունը, և գրիչները նրան շնորհում են պատվանուններ, ինչպես, օրինակ, «ի թուականութեանս Հայոց ՊՂԶ (1447) և ի հայրապետութեան մեծի Աթոռոյ աստուածայարկ Սուրբ Էջմիածնի»՝ երիցս երանեալ տեառն Գրիգորի խարազն հզնաւորի, նաև երկրորդ Լուսաւորչի, գոր Տէր Աստուած անասան պահեսցէ և անգրքելի ի յայսմ աշխարհի»<sup>65</sup>:

Երկու տարի անց, 1449-ին, տարիքն առած Թովմա Մեծոփեցի վարդապետը Մինաս եպիսկոպոսի հետ մի Ավետարան են նվիրում անձամբ Գրիգոր Ջալալբեկյանցին, որն իր հերթին գրիչ էր և ձեռագրերի մեծ սիրահար ու գիտակ գրչության արվեստին. «Գարձեալ, մեղուցեալ գրիչս Թումա և Մինաս եպիսկոպոս ընծայեցաք զսուրբ Աւետարանս աստուածահանոյ և փառաւորեալ տէր Գրիգոր կաթողիկոսին Սուրբ Էջմիածնին, որ հանապազ զմեզ ի յիւր սուրբ աղօթքն յիշէ, և անմեղադիր լինի, զի խիստ տկար էի աշօխ»: Գրիգոր Մակվեցին կոչվում է նաև Արևելյան կողմի հայրապետ<sup>66</sup>: Բայց հաճախ էլ՝ Կաթողիկոս «ընդևանուր Հայոց»<sup>67</sup>:

Գրիգոր Մակվեցին, կաթողիկոսական ծանր և պատասխանատու գործին զուգընթաց, հոգ է տանում ձեռագրերի բազմացման և ընդօրինակման աշխատանքների կազմակերպմանը: Այս մասին տեղեկանում ենք Մայր Աթոռի գրչատան աշխատակից Մատթեոս գրչի հիշատակարանից, որը փութաբան

<sup>60</sup> Նույն տեղում:

<sup>61</sup> ԺԵ դարի հիշատակարաններ, հ. Ա, էջ 522

<sup>62</sup> Մշո ձեռագրացուցակ, էջ 204:

<sup>63</sup> Նույն տեղում:

<sup>64</sup> Նույն տեղում:

<sup>65</sup> ԺԵ դարի հիշատակարաններ, հ. Ա, էջ 605:

<sup>66</sup> ԺԵ դարի հիշատակարաններ, հտ. Բ, Երևան, 1958, էջ 48:

<sup>67</sup> Նույն տեղում, էջ 57:

արագությամբ կարողանում է ավարտել մեկնաբանական բնույթի մի ժողովածու: Երեք հարյուր թերթից ավելի ծավալ ունեցող ձեռագիրը նա ավարտին է հասցնում յոթ ամսվա ընթացքում<sup>68</sup>:

Ձեռագրի գաղափար օրինակը նրան տրամադրել էր Գրիգոր Մակվեցի Հայրապետը. «Նաև տիրապէս քարոյ յիշատակ է սա մեծին և աստուածասիրին, որ քաղցր քարոյ գորինակն շնորհեաց, այսինքն՝ տեառն Գրիգորի կաթողիկոսի Ամենայն Հայոց ի Վաղարշապատու, խարազն նգնաւորի, որ և առլցեալ շնորհօքն Յիսուսի»<sup>69</sup>: Մատթեոս գրիչն իր գոհունակութիւնն է հայտնում կաթողիկոսին՝ նշելով նրա հոգածութիւնը և հովանավորումը կրթական գործին. «Նաև զէ (7)-արփեանն առեալ, ըստ գրեցելոյն նսայեա, գերազանց սրբազնամաքուրն իւր հոգի, որով սնուցանէ զմանկունս սուրբ եկեղեցւոյ կրկին և երեքին ուսմամբ ըստ հանդսն Աստուծոյ տիրապէս»<sup>70</sup>:

1460-ին տեղի խաչատուր՝ քահանան Գրիգոր Մակվեցուն բնութագրում է այսպես. «Ջարդարեալ ամենայն առաքինութեամբ և իմաստութեամբ՝ ի յԱթոռ Սուրբ Էջմիածնի»<sup>71</sup>:

Գրիգոր Մակվեցու համար հետագա տարիներին ստեղծվում են ոչ այնքան էլ բարենպաստ պայմաններ, ինչպես հայտնի է Ջաֆարիա Աղթամարցի կաթողիկոսը կարողանում է տիրաճալ Մայր Աթոռին, սակայն Գրիգորի գործադրած ջանքերի շնորհիվ Ջաֆարիան հեռանում է Էջմիածնից՝ հետը տանելով Լուսավորչի Աջը և այլ սրբութիւններ:

1464-ին Ստեփանոս գրիչը հիշում է Գրիգորի գործադրած ջանքերը Սուրբ Էջմիածնի նորոգման կապակցությամբ. «Ի հայրապետութեան տեառն Գրիգորի, որ նորոգեաց զՍուրբ Էջմիածնին, և քազում և մեծաւ ջանիւ զարդարեաց և նորոգեաց և հաստատեաց զհաւատս քրիստոնէութեան և պայծառացոյց և լուսաւորեաց զՍուրբ զեկեղեցիս, զի սա է մայր ամենայն եկեղեցեաց և դաւանութիւն ուղղափառ հաւատոց, ի թվիս Հայոց ԶԺԳ (1464)»<sup>72</sup>:

Գրիգոր Մակվեցու գահակալական շրջանը դիտվում է որպես «արհիական»<sup>73</sup> պետութիւն<sup>74</sup>: Այս ամենը գալիս են հաստատելու նրա դիվանագիտական պատրաստվածությունը, քաղաքականապես կրթված լինելը, որի շնորհիվ նա կարողանում էր իշխող տիրակալների հետ ստեղծել սերտ բարեկամական մթնոլորտ:

Թեպետ քանասերները Գրիգոր Ջալալթեկյանցիին ցանկանում են վախճանված տեսնել 1465-ին և դրանից էլ առաջ, ինչպես Ղ. Ալիշանն է նշում. «Յիշատակարան գրոցն, յորմէ գայս յիշեմ, երևի գրեալ յամի 1465, ի հայրապետութեան տեառն

<sup>68</sup> Նույն տեղում, էջ 85:

<sup>69</sup> Նույն տեղում, էջ 84: Տե՛ս նաև Մ. Խ. Թիվ 7275, 332ա:

<sup>70</sup> Նույն տեղում:

<sup>71</sup> Նույն տեղում, էջ 132:

<sup>72</sup> Նույն տեղում, էջ 214: Մաշտոցի անվան Մատենադարան, Թիվ 3759, էջ 241:

<sup>73</sup> Արհիական բառը դիտվում է որպես արհայնսկոպոսական, հայրապետական: Արհիական արժու-կաթողիկոսական աթոռ: Տե՛ս Խաչերէն քաջատրական քառարան, կազմեց Ստ. Մալխասեանց, Կ. Ա., Երևան 1944, էջ 272:


<sup>74</sup> Ժն դարի եկեղատակարաններ, Կ. Ք, էջ 220:

Գրիգորի ընդհանուր Հայոց Կաթողիկոսի. քեպէտ ըստ հասարակաց կարծեաց՝ Գրիգոր համարի վախճանեալ յառաջ քան զքուսկանդ գալոյ<sup>75</sup>:

Գալորիժեցին ճուլնպես 1486-ին ճշում է. «Նոյն տէր Գրիգոր. և ճոյն տէր Արիստակէս, այլև եղև կաթողիկոս տէր Սարգիս»<sup>76</sup>:

Օրմանյան Պատրիարքը. եիմնվելով առակ փրդալիմյանի տվյալների վրա. գրում է. «Գրիգորի մահը պէտք է դնել 1485 տարւոյն վերջերը»<sup>77</sup>:

Այլ է Լևոն Խաչիկյանի կարծիքը. «Գրիգոր Մակվեցին... որպէս Կաթողիկոս հիշատակվում է նաև 1486, ճուլնիսկ 1488 թթ.»<sup>78</sup>: Եվ, իրոք, 1486-ին ճրան ընդհանուր կաթողիկոսական գահին է տեսնում Մատթեոս արեղան՝ նդվարդում<sup>79</sup>. որն այնքան էլ հեռու չէ էջմիածնից. Ատոմ գրիշը՝ Արծկեում<sup>80</sup>, Հովհաննես քահանան՝ Կաֆայում<sup>81</sup>: Եվ եթե, ծայրահեղ դեպքում, շվոթ համարենք 1488-ին ավարտված Ավետարանի հիշատակարանը «ի կաթողիկոսութեան տեսոն Գրիգորի, ի թվ. Հայոց ԶԺԷ (1488)»<sup>82</sup>, ապա գոնե պիտի ընդունենք, որ 1486-ին դեռ ապրում էր Գրիգոր Ժ Ջալալբեկյանց Կաթողիկոսն Ամենայն Հայոց:



75 Սիսական, Վենետիկ, 1893, էջ 126:

76 Դավորիժեցի, էջ 343:

77 Նստարք, էջ 221: Օրմանյան, Ազգապատում, էջ 2188:

78 Ժն դարի հիշատակարաններ, Խ. Բ, էջ 478:

79 Յուլյակ հայերեն Զեռագրաց Նոր Զուղայի Ամենաիրկիչ վանքի, Խ. Ա. կազմեց Սմբատ Տէր-Աւետիսեան, Վիեննա, 1970, էջ 92:

80 Ժն դարի հիշատակարաններ, Խտ. Բ, էջ 247:

81 Նույն տեղում, էջ 253:

82 Նույն տեղում, էջ 272: